

月泉游記

謝翱

余少慕初平叱石事知婺有金華洞瀑泉之勝而未知有月泉也月泉在浦江縣西北二里故老云其消長視月之盈虧由朔至望投梯其間泉浸浸浮梯而上動盪芹藻若江湖之浮舟擁於下岸視舊痕不減毫髮由望至晦置竹井傍以常所落淺深爲候隨月之大小晝痕竹上當其日之數日而測之水之落痕與石約如竹之晝視菴間滯萍蘚枯青相半殆類水退人家口蒸氣濕牆壁故在而浮槎游拊棲泊樹石隱隱可記余與友人陳君某至遙望後二日陳君指萍與草以爲斯泉虧落之驗蓋沖漠朕兆間盈虛消息之理與山川呼吸往來之氣相值而不道藏輯要

天下名山記
浙江月泉謝

卷一
八十一

爽也如此非必有神物主之如雜書怪錄所謂巨魚吞吐云也泉傍舊爲堂祠朱呂二先生環闌楯登上環詩亭上四顧烟雲竹樹復環泉若亭不敢左其東北之山曰仙巖者遠望類芝草浮空而立若皆有所待於斯泉而向焉者予方謀日游其間與月約盈虧泉約消長與山約無盈虧消長亘來今以老吾詩有述仙巖之遺跡約予游巖之麓者將歛鹿鳴之引以擬笙鶴曰子欲窮山中之勝而憚以足赴目乎余欣然從之故書泉之本末以紀茲游之始